



CONVOCATORIA DOS XVIII PREMIOS COAG DE ARQUITECTURA

BASES

[PRIMEIRA: OBXECTO](#)

[SEGUNDA: CONCURSANTES](#)

[TERCEIRA: CONDICIÓNS E CATEGORÍAS](#)

[CUARTA: XURADO](#)

[QUINTA: INCOMPATIBILIDADES](#)

[SEXTA: DOCUMENTACIÓN](#)

[SÉTIMA: PRESENTACIÓN DE PROPOSTAS E CONSULTAS](#)

[OITAVA: DITAME E PREMIOS](#)

[NOVENA: PRAZOS](#)

[DÉCIMA: PROPIEDAD INTELECTUAL E DEREITOS DE TERCEIROS](#)

[UNDÉCIMA: PUBLICACIÓN E DIFUSIÓN](#)

[DUODÉCIMA: INFORMACIÓN SOBRE TRATAMENTO DE DATOS PERSOAIS](#)

[DECIMOTERCEIRA: ACEPTACIÓN DAS BASES](#)

PRIMEIRA: OBXECTO

Convócase a décimo oitava edición dos Premios COAG de Arquitectura, a conceder a obras de arquitectura nas categorías que se dirán, realizadas no ámbito territorial do Colexio Oficial de Arquitectos de Galicia.

SEGUNDA: CONCURSANTES

Poderán presentar propostas e optar a acadar algún dos galardóns os arquitectos colexiados no COAG, en plenitude dos seus dereitos como colexiados (Non estar inhabilitados para o exercicio da profesión, non estar incurso en expediente deontolóxico, e estar ao día no cumprimento dos compromisos contraídos con calquera dos servizos do COAG).

Non obstante, para a Categoría de Proxecto Fin de Carreira, non será requisito a colexiación. Neste caso, será imprescindible obter previamente as credenciais de acceso para poder facer a presentación a través da plataforma. Este trámite pode realizarse a través do seguinte [ENLACE](#). A presentación da obra ou obras á concesión dos premios virá subscrita, a título persoal, polo seu autor ou autores.

TERCEIRA: CONDICIÓNS E CATEGORÍAS

As obras e traballos presentadas a concurso deberán estar totalmente rematadas, **entre o 31 de xullo do 2016 e o 31 de xullo do 2018**. O Xurado poderá asumir o rexeitamento daquelas obras que cualifique de non rematadas por completo. As propostas deberán estar incluídas dentro dalgunhas das categorías que de seguido se expresan:



PREMIOS

- A. Vivenda
- B. Rehabilitación
- C. Equipamentos
- D. Deseño Urbano, Planeamento e Paisaxe
- E. Obras de Reforma e Interiorismo.
- F. Arquitecturas Efémeras e de Baixo Custo
- G. Divulgación, Investigación e Deseño
- H. Proxecto Fin de Carreira
- I. Categoría especial a toda a Traxectoria Profesional

Unha mesma proposta só se poderá presentar a unha única das categorías expostas.

A categoría de **Arquitectura de Baixo Custo** valorará as obras que se realizan na práctica de construción e promoción cotiá cos recursos limitados, a veces os mínimos, e sempre con consideración dos límites económicos como parte do proxecto (vivenda mínima, autoconstrución, promoción privada de pequena entidade, VPO, etc.).

Na categoría de **Divulgación, Investigación e Deseño**, exclúense as teses e outros traballos orientados ao ámbito académico que pola súa extensión e características sexan de complexa valoración por parte do xurado.

Na categoría de **Proxectos Fin de Carreira**, poderán presentarse a ela todos os traballos (PFC, TFM, PFG) requiridos para a obtención do título habilitante de Arquitecto. Poderán presentarse os PFC aprobados **entre o 31 de xullo do 2016 e o 31 de xullo do 2018**.

O premio a **Categoría especial a toda a Traxectoria Profesional** será outorgado a proposta da Xunta de Goberno

No caso de que as obras estivesen suxeitas á obrigatoriedade do visado colexial en aplicación do RD 1000/2010, requirirase que tanto o proxecto como o Certificado Final de Obra fose visado e que o correspondente importe do servizo de visado fose satisfeito. Cando en aplicación da normativa sobre contratación pública, a obra tivese sido obxecto de informe por parte dunha oficina de supervisión de proxectos, ou órgano equivalente, da Administración Pública competente, non será necesario acreditar o visado colexial.(RD 1000/2010, art. 4)

A criterio do Xurado, poderase variar a categoría proposta nalgunha intervención.

CUARTA: XURADO

Estará composto como segue:

- Presidente:
 - O Ilmo. Sr. Decano do COAG ou arquitecto en quen delegue.
- Vocais:
 - Dous arquitectos de recoñecido prestixio, designados pola Xunta de Goberno, que designará así mesmo ós seus suplentes.
 - O Director da ETSA de A Coruña, ou arquitecto en quen delegue.
 - O Responsable da Comisión de Concursos, Formación, Cultura e comunicación ou membro da Xunta de Goberno en quen delegue.



- Secretario:
 - O Secretario da Xunta de Goberno, con voz pero sen voto.

Para a constitución do Xurado precisarase a presenza de, polo menos, catro dos seus membros: Presidente, Secretario e dous Vocais.

O xurado poderá decidir sobre a posibilidade de outorgar premios “ex aequo”.

As sesións de deliberación terán lugar no emprazamento que acorde o Presidente do Xurado.

A decisión do Xurado é inapelable e tamén a potestade do mesmo para variar a inclusión dunha obra nunha certa categoría.

QUINTA: INCOMPATIBILIDADES

Quedan incompatibilizados para optar ó premio os membros do Xurado, os seus asociados e familiares.

SEXTA: DOCUMENTACIÓN

Os concursantes deberán remitir modelo de solicitude de participación e autorización para o tratamento de datos persoais (Anexo I dispoñible no seguinte [ENLACE](#)) debidamente cuberto e asinado con sinatura dixital válida (DNI, FNMT...), acompañado da documentación das súas propostas que deben recoller a documentación que se describe na plataforma en cada unha das categorías.

De non aportarse a documentación requirida, quedará en mans do xurado a valoración de se concorren ou non as circunstancias que motiven a asignación da mención, en función dos outros datos da obra ou do autor aportados na documentación do concurso.

A documentación aportada quedará en propiedade da Comisión de Cultura do Colexio Oficial de Arquitectos de Galicia, á que se encomenda a posible publicación das obras premiadas.

SÉTIMA: PRESENTACIÓN DE PROPOSTAS E CONSULTAS

O prazo de presentación das propostas remata ás **12:00 horas do día 9 de xaneiro de 2019**.

As propostas deberán ser achegadas vía web a través do enlace:

<http://portal.coag.es/convocatorias-abertas/>

Onde se deberá cumprimentar todos aqueles campos obrigatorios que se indican, atendendo así mesmo ás indicacións e recomendacións expostas. **En calquera caso, prevalecerán os requisitos documentais especificados na plataforma de presentación.**

En todo caso, **con independencia da documentación que se indique no apartado web a presentar segundo a modalidade na que se participa, todas as propostas deberán aportar o modelo de solicitude de participación e autorización para o tratamento de datos persoais,**



publicación e difusión (ANEXO I) debidamente cuberto e asinado con sinatura dixital válida (DNI, FNMT...), dispoñible no seguinte enlace:

[ANEXO I SOLICITUDE DE PARTICIPACIÓN E AUTORIZACIÓN](#)

O Colexio comprométese á resolución de todas as **consultas relativas ás bases** presentadas con anterioridade ao **venres 4 de xaneiro de 2019 ás 12:00 h.**

As consultas deberanse facer a través da plataforma de consulta da web colexial, concretamente no seguinte [ENLACE](#)

Recomendacións sobre a presentación de propostas na plataforma web.

Por outra parte, para evitar os problemas derivados da acumulación de usuarios subindo á plataforma a documentación das súas propostas nas últimas horas de prazo, recoméndase aos interesados en participar que procedan a subir a documentación de modo progresivo, a medida que a teñan elaborada e non toda dunha vez. Lémbrese que a plataforma permite ir engadindo e modificando progresivamente a proposta dentro de prazo de presentación, así como acceder en cada momento á previsualización da proposta.

OITAVA: DITAME E PREMIOS

O ditame do Xurado referirase separadamente a cada unha das categorías definidas na base terceira, podendo deixar desertas as que se coiden axeitadas ou outorgando un premio a cada modalidade, así como ós accésit e mencións que, en función da calidade das propostas, resulten pertinentes.

O Xurado, á vista da documentación presentada, poderá realizar unha selección previa daquelas obras que considere reúnen condicións dabondo para optar a premio, e a posterior visita ás mesmas. O ditame farase público a través da circular colexial. Os premios carecen de dotación económica. O COAG entregará en propiedade aos titulares das propostas galardoadas, reproducións do diploma ou trofeo creado ó efecto.

NOVENA: PRAZOS

O prazo de presentación das propostas remata ás **12.00 horas do día 9 de xaneiro de 2019.**

A constitución do Xurado efectuarase no prazo máximo de quince días a partir do remate do prazo de presentación. Procederá á admisión e selección das obras propostas, fixando un calendario para a visita daquelas que coide preciso. Rematada a fase anterior, o Xurado reunirse para emitir o seu ditame, que haberá de se producir nun prazo máximo de corenta e cinco días a partir do remate do prazo de presentación.

DÉCIMA: PROPIEDAD INTELECTUAL E DEREITOS DE TERCEIROS

Os participantes deberán ser titulares dos dereitos de propiedade intelectual sobre os traballos, proxectos, fotografías e/ou planos presentados, e/ou contar con todos os dereitos e/ou facultades para o uso, reprodución, comunicación e difusión dos mesmos e comunicar aos promotores e/ou propietarios, no seu caso, previamente, a presentación da candidatura e os datos, a documentación e imaxes que a acompañan e recabada a súa conformidade.



Os participantes fanse responsables da documentación facilitada, manifestando que a mesma non infrinxe dereitos de propiedade intelectual nin de imaxe de terceiras persoas, nin calquera outro dereito de terceiros e, así mesmo, exoneran ao COAG de calquera responsabilidade respecto diso.

Por tanto, o participante responderá directamente ante calquera reclamación, queixa ou demanda de terceiros con relación á vulneración ou infracción dos posibles dereitos que puidesen derivarse da documentación entregada ou como consecuencia da presentación da mesma á presente convocatoria mantendo indemne ao COAG.

UNDÉCIMA: PUBLICACIÓN E DIFUSIÓN

Os autores das obras ou proxectos participantes autorizan ao COAG para o uso, distribución, comunicación pública, exhibición, reprodución, publicación e difusión por calquera medio, conxunta ou individualmente, das candidaturas presentadas e toda a documentación e imaxes que a integran, podendo, en consecuencia, aparecer en calquera tipo de soporte, editado, impreso ou dixital, vinculado co COAG e a difusión das súas actividades, incluído Internet, e cedendo ao COAG todos os dereitos de explotación da propiedade intelectual que das publicacións resultantes puidesen xerarse, sen limitacións de tipo territorial nin temporal e sen que os cedentes poidan reclamar contraprestación algunha, nin dineraria nin de ningunha outra clase.

Así mesmo, autorizan ao COAG para poder presentar o conxunto das obras premiadas, como un todo, a outros premios, certames ou convocatorias que o Colexio estime axeitadas.

Non se poderán utilizar os traballos e documentación presentados, salvo acordo e consentimento expreso dos seus autores, para outros fins distintos aos vinculados á publicidade e difusión dos premios e das actividades do COAG, e aos descritos nestas bases.

DUODÉCIMA: INFORMACIÓN SOBRE TRATAMENTO DE DATOS PERSOAIS

O COLEXIO OFICIAL DE ARQUITECTOS DE GALICIA (COAG), con domicilio en Praza Quintana, 1, 2º, 15704 Santiago de Compostela, é a entidade responsable do tratamento dos datos de carácter persoal consignados na súa solicitude de participación e na documentación que acompañe, así como dos que sexan xerados a consecuencia da súa participación no Premio.

O COAG ten designado un Delegado de Protección de Datos co que pode pórse en contacto a través da dirección de correo electrónico dpd@coag.es

O COAG tratará os seus datos para o cumprimento das funcións e obrigas que ten legalmente asignadas, e, en particular, para a xestión, tramitación e publicidade dos XVIII Premios COAG de Arquitectura.

Os datos solicitados no formulario de participación e a documentación solicitada resultan necesarios para a comprobación do cumprimento dos requisitos de participación e a valoración da súa candidatura polo xurado, si o interesado non facilita estes datos, podería ver rexeitada a súa solicitude de participación.



En canto aos datos de terceiras persoas que o participante poda proporcionar na documentación que aporte, será obriga do participante informar debidamente ós terceiros, de acordo coa normativa sobre protección de datos, da comunicación dos seus datos ó COAG a estes efectos, e, no seu caso, recabalo seu consentimento explícito para tal tratamento.

A base legal para o tratamento dos seus datos como participante no Premio é o seu consentimento, ademais, para o cumprimento das funcións e obrigas legalmente impostas ó COAG poden realizarse tratamentos lexitimados pola lei, entre outras, nas seguintes normas:

- Ley 2/1974, de 13 de febrero, sobre Colegios Profesionales
- Real Decreto 129/2018, de 16 de marzo, por el que se aprueban los Estatutos Generales de los Colegios de Arquitectos y de su Consejo Superior.
- Estatutos do Colexio Oficial de Arquitectos de Galicia
- Ley 19/2013, de 9 de diciembre, de transparencia, acceso a la información pública y buen gobierno.

Os datos que proporcione o participante comunicaranse aos membros do xurado, a outros participantes no certame e ós colexiados, así mesmo, os datos da candidatura comunicaranse ó público mediante a súa publicación na Internet, no sitio web do COAG, e a través da súa posible difusión polos medios de comunicación. Os datos tamén poderían comunicarse en cumprimento das obrigas legais do COAG, en particular, as relativas a transparencia e bo goberno.

Así mesmo, infórmase de que o COAG recorre a terceiros para a prestación de servizos que implican o tratamento de datos por conta de aquel, polo que, como encargados do tratamento, estes terceiros poderán ter acceso ós datos.

Entre eles, a prestación de determinados servizos de comunicacións electrónicas e servizos TIC son proporcionados por determinados encargados do tratamento (INTELLIGENCE PARTNER, S.L (Google), The Rocket Science Group LLC d/b/a MailChimp) que implica ou pode implicar a transferencia dos seus datos persoais a terceiros países que ofreceron garantías adecuadas, mediante a adscrición ó marco de Privacy Shield que garante que os interesados contan con dereitos esixibles e accións legais efectivas.

Pode consultar a información relativa ó Privacy Shield Framework nos seguintes enlaces:

<https://www.privacyshield.gov/>

<https://www.privacyshield.gov/participant?id=a2zt0000000TO6hAAG&status=Active>

<https://www.privacyshield.gov/participant?id=a2zt00000001L5AAI&status=Active>

Os datos conservaranse mentres sexan necesarios para a xestión do certame e a súa difusión, e posteriormente para a súa publicidade e para dar cumprimento ás obrigas de arquivo o rexistro público.

Calquera persoa ten dereito a obter confirmación sobre si o COLEXIO OFICIAL DE ARQUITECTOS DE GALICIA está tratando datos persoais que o concirnan.

As persoas interesadas teñen dereito a acceder ós seus datos persoais, así como a solicitar a rectificación dos datos inexactos ou, no seu caso, solicitar a súa supresión cando, entre outros motivos, os datos xa non sexan necesarios para os fins para os que foron recollidos.



En determinadas circunstancias, os interesados poderán solicitar a limitación do tratamento dos seus datos, en tal caso unicamente se conservarán para o exercicio ou a defensa de reclamacións.

En determinadas circunstancias e por motivos relacionados coa súa situación particular, os interesados poderán oporse ó tratamento dos seus datos. No caso de que proceda, o COAG deixará de tratar os datos, salvo por motivos lexítimos como o cumprimento das funcións ou obrigas legalmente establecidas, ou o exercicio ou a defensa de posibles reclamacións.

Así mesmo, cando o tratamento estea baseado no consentimento do interesado, este ten o dereito a retirar o consentimento en calquera momento.

No caso de que o interesado estime que non se está a realizar un tratamento adecuado dos seus datos, pode presentar unha reclamación ante o Delegado de Protección de Datos designado (dpd@coag.es) ou ante a *Agencia Española de Protección de Datos* (www.aepd.es).

DECIMOTERCEIRA: ACEPTACIÓN DAS BASES

A concorrencia a esta convocatoria implica o coñecemento e total aceptación das súas bases. O incumprimento de calquera cláusula das bases pode ser motivo de exclusión da convocatoria e de retirada, no seu caso, do premio.